

Aneksu VI

Termu Referensia Konsultor Nasional ba Revizaun Padraun Kompetensia Sertifikadu 2 iha Pedraria

VIJAUN JERAL

INDMO buka hela Konsultor atu halo Analiza Setorial no Revizaun Padraun Kompetensia Sertifikadu II iha Pedraria nian.

ANTESEDENSIA NO RATIONALE

Instituto Nacional de Desenvolvimento de Mão-de-Obra (INDMO), nudar ajensia regulador Sistema Formasaun Profisional iha Timor-Leste nia funsaun ida mak responsabiliza ba definisaun no halo aprovavasaun padraun kompetensia antes autoriza sentru akreditadu ba formasaun profisional no avaliasaun kompetensia sira atu utiliza.

INDMO nia kompetência mak atu dezenvolve padraun kompetensia husi Nivel Kualifikasaun I to'o IV, iha setor produtivu oi-oin. Padraun kompetensia sira ne'e fiksa nivel aprendizajen no oinsa atu hetan konesimentu, nebe bele aplika ba profisaun ka servisu nian. Kompetensia INDMO nian ne'e mai husi alínea a) artigo 4.º Decreto-lei n.º 8/2008, 5 marsu, konjuga ho artigo 14.º husi Decreto-lei n.º 36/2011, 17 agostu ne'ebé aprova SNQ-TL.

Liga ho servisu ida ne'e, INDMO dezenvolve ona mos mata-dalan ida ba servisu desenvolvimentu padraun kompetensia. Mata-dalan ne'e tulun desenvolvimentu nivel kualifikasaun espesífika nebe aplika ba industria sira nian (*industry-driven competency*). Iha ne'ebe presiza garante empregabilidade ba formandu graduadu sira iha sentru formasun. Liu husi garante integrasaun abilidade Sekulu XXI nian, abilidade sira ne'ebé koresponde ba Revolusaun Industria 4.0 no pratika diak sira husi industria sai mos pontu principal no garantia kumprimentu deskrisaun rezultadu aprendizajen husi kada nivel kualifikasaun nasional nebe preve iha Tabela Kasional Kualifikasaun.

Padraun kompetensia sira bele dezenvolve (ka hetan revizaun) bazeia inisiativa ka rekomendasaun sira sentru formasaun sira no mos tekniku espesializadu sira nebe servisu iha INDMO hafoin halao ona analiza sectorial. Revizaun kualker padraun kompetensia ruma nebe rejistu ona minimu liu tinan tolu (3).

Ba tinan 2021, INDMO preve ona iha nia planu atu halo revizaun ba padraun kompetensia ho nivel sertifikadu II iha area eletrisidade nian. Maibe antes halo revizaun padraun ne'e, nesesita tebes atu halo analiza setorial ho objetivu atu hatene nesesidade sira ba ajustamentu unidade sira husi padraun kompetensia nebe temi ona conforme matadalan desenvolvimentu padraun

kompetensia nebe iha. Konsultasaun sira sei halao ba industria no sentru formasaun sira nebe iha Timor-Leste no nasaun seluk nudar referensia.

INDMO rejista ona, padraun kompetensia ho nivel kualifikasaun sira Katalogu Kualifikasaun Nasional bainhira hetan ona aprovasaun iha Komisaun Ezekutiva institutu nian.

OBJETIVU

Garante katak Padraun Kompetensia Nivel II iha area Pedraria sei nudar baze atu prepara no sertifika kompetensia formandu sira hodi prienxe nesesidade servisu industria konstrusaun rai-laran no rai-liur nian, li-liu iha area eletrifikasaun nian.

AREA SERVISU KONSULTOR NIAN

Konsultor nebe selesiona sei halo serbisu sira mak hanesan tuir mai ne'e:

- a) Identifika literature no dadus sira relevante hodi halo analiza setorial antes dezenvolve
- b) kurikulu ka padraun kompetensia kona-ba formasaun iha area pedraria nian
- c) Halo estudu ka analize setorial liu husi konsultasaun ho parseriu relevante sira hodi indentifika nesesidade revizasaun padraun kompetensia nian
- d) Halo relatoriu validasaun kona-ba konkluzaan analize setorial (*findings and reccomendations*) ba dokumentu sira no planu no etapa sira ba esbosu revizaun padraun kompetensia nian)
- e) Aprezenta esbosu inisial ka mapa revizaun nian ba INDMO molok ba halo konsolidasaun ho parseriu sira
- f) Halo konsolidasaun no buka informasaun kona-ba esbosu sira, liu husi konsultasaun ho grupu trajetu ruma
- g) Aprezenta esbosu final ba Sub-Komisaun Industria no posivelmente to'o Komisaun Ezekutiva atu hetan aprovasaun final

KUALIFIKASAUN NO EXPERIENSIA KONSULTOR

Konsultor nebe sei hili tenke prienxe Kriteriu sira mak hanesan tuir mai ne'e:

1. Tenke iha abilitasaun minimu liu mak Baixarelatu iha area técnico civil ka edukasaun no formasaun nian;
2. Iha konesimentu diak kona-ba Sistema Edukasaun Timor-Leste, li-liu iha Ensinu Tekniku no Formasaun Profisional nian (TVET) no Sistema Nacional Kualifikasaun Timor-Leste nian;

3. Iha esperiensiia servisu iha minimu tinan 2 iha servisu sira relasiona ho predraria nian ka sentru formasaun Konstrusaun vantajen ida;
4. Iha esperiensiia dezenvolve padraun organizadu ka padraun kompetensia; no modulu sira ba formasaun sira nudar vantajen ida;
5. Iha kumprimisu atu servisu iha ekipa no tuir timeline nebe define ona;
6. Hakerek no kolia ho diak tebes iha Tetum no abilidade kumpriente testu sira Portugues no Ingles hanesan vantajen ida;
7. Nakloke deit ba individu ka grupu konsultor nasional sira, preferensia mak hela iha Dili, Timor-Leste.

KALENDARIU SERVISU NIAN

Konsultor sei iha loron 150 servisu nian, hanesan deskreve ona tuir mai ne'e:

SERVISU SIRA	PARTE REPONSAVEL	DURASAUN	LORON IKUS
Submisaun Aplikasaun hodi responde ba ToR	Konsultor	Loron 15	21 Maiu
Selesaun ba pesoal ka grupu Konsultor	INDMO	Loron 5	28 Maiu
Apresentasaun Konseitu (Enkontru Aranke/Hahu nian	INDMO/Konsultor	Loron 1 ka 2	31 Maiu
Revizaun ba Nota konseitu sira no aprezena metodolijia halo analize setorial no planu ba servisu nian	Konsultor	Loron 10	11 Junho
Aprezena resultadu analisa setorial no rekomendasaun sira	Konsultor	Loron 30	16 Julho
Aprezena Esbosu insial revizaun padraun kompetensia	Konsultor/INDMO	Loron 15	6 Agostu
Organiza konsultas ho objetivu atu halo validasaun ba esbosu insial ho parseiru tekniku sira	Konsultor	Loron 30	10 Setembru
Aprezena atu apresiasaun kona-ba konteudu esbosu final ba Sub-Komisaun Industria	Konsultor/INDMO	Loron 1 ka 2	17 Setembru
Aprezentasaun final Komisaun Ezekutiva atu hetan aprovasaun	Konsultor/INDMO	Loron 1 ka 2	24 Setembru

REZULTADU SIRA

Sasukat kona-ba rezultadu servisu konsultor sira nebe espera atu produz, mak hanesan tuir mai ne'e:

No	Rezultadu	Progresu servisu, Persentajen
1	Relatoriu Analisa Setorial no Rekomendasaun sira no planu servisu nian	20%
2	Esbosu Revizaun inisial Mapa Revizaun Padraun Kompetensi	25%
3	Revisaun Dahuluk Esbosu Padraun Kompetensi bazeia konsultasaun atu valida informasaun sira nebe koloka ona esbosu inisial	25%
4	Esbosu final no apresentasaun ona ba Sub-komisaun Industria no Komisaun Ezekutiva	25%
5	Relatoriu Final	5%

JERENTE PROJETU NIAN

JERENTE PROGRAMA PADRAUN KOMPETENSIA	PESOA ALTERNATIVA INDMO NIAN ATU HETAN KONTAKTA
Naran : Amandio L. B. Belo Titlu : Jerente Programa E-mail : albbelo@indmo.gov.tl Telemovel : +670 77647089	Naran : Leleca Maria dos Santos Titlu : Oficial Programa Konstrusaun E-mail : lmsantos@indmo.gov.tl Telemovel : +670 77389112

ATU APLIKA

Kandidatu intereseadu sira presija submete aplikasaun hanesan tuir mai ne'e:

1. Pajina ida kona-ba deklarasaun ita bo'ot nia konesimentu kona-ba papel konsultor nian no kualifikasaun ka matenek nebe sei uja ba servisu ne'e
2. CV husi konsultor chave sira

Halo favor submete interese sira ba (e-mail) **JERENTE PROJETU** nian, molok loron 21 Maiu 2021, oras tuku 5 loraik. Ami la atende submisaun sira presensial.